

آبونه "فرائطی": هر بر ایچون
 سنه لکی (۴۰۰) الی ایلنی
 (۲۲۵) ممالک اجنیه ایچون
 سنه لکی (۴۵۰)، آلتی آیلنی
 (۲۵۰) غروشدور.

نسخه سی ۷۰۵ غروشدور .
 سنه لکی ۵۲ عددور .

اداره خانه : باب عالی جاده سنده
 رشید افندی خاندن

اخطارات
 آبونه بدلی پشیندر .

مسلكه موافق آثار مع المنونیه
 قبول اولنور . درج ایدلن
 یازیر احاده اولماز .

والله یهدی من یشاء الی صراط مستقیم

باش محرر
 محمد حاکف

صاحب و مدیر
 اشرف ادیب

آدره من تبدیلنده آریجه
 غروش کوندرملیدر .

مکتوبلرک امضاری واضح
 و اوقوناقلی اولسی و آبونه
 صره نومروسی محتوی
 بولونسی لازمدر

ممالک اجنیه ایچون آبونه
 اولانلرک آدرس لرینک
 فرانسزجه یازلسی رجا اولنور .

پاره کوندرلدیکی زمان نه
 دائر اولدینی بیلدرلسی
 رجا اولنور

اتبعون اهدکم سیل الرشاد

الشیخ الاسلام

شماره ۱۳۳۰

تدقیق و محاکمه ایلدییی زمان بو حادته بر مفتاح خدمتی کوره جک ، بر قاج مثل فائق قوتلر قارشیدنده بر آوج قهرمانک ناصل سینه سی کوره ک ظفره ایدیکنی بک واضح صورتده کوره جکدر .
محاربه نیک اشدتلی بر آنده ، دشمن طویلرینک آغز ندن یلدرملر یاغدینی ، سپرلرندن جهنملر فیشقیردینی بر زمانده ، بوتون احتیاط قوتلرینک ایلری سوروله رک حیات و ممات دقیقه لری کچیرمکده اولدیغمز بر آنده فوزی پاشانک بردنبره غیبوتی بوتون قوماندان هیئتنی تلاشه دوشورمش ، پاشایی آراشدیرمه یه سوق ایتشدی . زیرا او ، اوله بر آن ایدی که اوراده وقوعه کله جک بر مغلوبیت بوتون جبهه یی صار . صه ییلردی . اونک ایچون حربک سیرینی کال دقتله تعقیب ایتک و موفقیتسزک تحق ایتدیکی تقدیرده پریشانلغه میدان ویرمه مک ایچون رجعت امری ویرمک اقضا ایدردی . ایشه ارکان حربیه نیک بوقدر نازک ، بوقدر اهمیتلی بر مسئله قارشیدنده بولوندینی زمان ارکان حرب رئیسک غیبوتی بالطبع فوق العاده مهم بر حادته ایدی .
— پاشا زرده ، پاشا زرده ..

دییه ارقداشلری تلاشله اطرافی آراشدیورکن نسیم ظفرک اسلام مجاهدلرینه اسدیکی ، قهرمان محمد جکدرک دشمن سپرلرینه کیردیکی خبری کلیور . بری بری آرقه سندن سپرلر اشغال ایدیلیور ، دشمن نه یه اوغرا دیغنی شاشیرور . فوزی پاشانک ده ایلک سپرلده اولدینی آکلاشیلیور .

بوتون احتیاط قوتلری حربیه سوق ایدیلش اولدینی جهته آرتیق کری یه دونمک امکانی قالمادیغنی کورن فوزی پاشا آنجق بر اسلام قوماندانه یاقیشیر بر شرامت و تسلیمیت ایله کیمسه یه خبر ویرمکسزین ، ایلک سپرله ، دشمنله کوکس کوکسه حرب ایدن محمد جکدرک یانه صوقولور .

— اولادلر ، آرتیق صوک دقیقه لر کلدی . یا دشمن سپرلرینی آله جفز ، یا همز بوراده برابر شهید اوله جفز .
دیر و دائمی یاننده طاشیدینی قرآن کریمی آجارق جهراً قرآن او قومیه باشلار .

بونی کورن مسلمان مجاهدلرینک هر بری کندنن کچه جک درجه لره کلیر ، آرتیق سپرلده طوره مازاولورلر . سونکولری طاقیل اوله رق معرکه میداننه فیرلارلر ، الله الله دییه آرسالار کی طویلرک آغزینه ، مترالیوزلرک اوستته طوغرو یورومه یه باشلارلر ، شهید اولانلرک اوزرندن آتلا یارق دشمن سپرلرینه کیره لر ، نه یه اوغرا دقلرینی شاشیران دشمن نفرلرینک هپسی جان چکیشمکده بولورلر . دشمن سپرلرینک سقوطی یکدیگرینی ولی ایدیور . فوزی پاشایی آرایان قوماندانلر ، ارکان حربلر پاشانک جهراً قرآن او قودیغنی خبر آیلرلر ، کلوب صارما شیرلر ، فوزی پاشانک یوزندن کوزندن اوپرلر .

اوندن صوکره دشمنک عمومی رجعتی انکشاف ایدیور . ظفر قطعی تحق ایدیور .

اساساً فوزی پاشانک اونه دبری هر کون قرآن کریم قرائته دوام ایتکده اولدینی هر کسجه معلومدر .

ایشته جمهوریت غرته سنک اشارت ایتدیکی حادته نیک اصلی بودرکه سقاریا ظفرینک اک مهم حامل معنوی موفقیتی اولمشدر . آناطولیده کی مجاهده ملیه نیک بو کی صفحات و حادثاتندن بی خبر اولان بر طاقم زواللیرک ، عددجه واسلحه جه قات قات فائق دشمنه قارش ایدومزی یوروتن وغالب قیلان حامل معنوی بی ادراک ایدمه یه جکری طبعیدر . مجاهده ملیه زماننده استانبولده اجنیلرله برلکده شامانیالر ایچن ودانس ایدن بعض اجتماعیسانجی بکریمز البته او معظم ظفرک سیرینی آکلایه مازلر .

حامل موفقیت اولق اوزره « جنکیزک یاساسی » نی ، یا خود « دورقه سیمک نظریه لرینی » ایلری سورنلر ، کونش قدر باهر اولان حقیقی بوغمق ایسته ینلردن بشقه سی دکلددر .

النهیات طلبه نیک اعاشه سی

حزیران یکریمی یدی تاریخی « توحید افکار » غرته سنده معارف وکیلی واصف بکک بیاناتی حاوی شویله بر تلغراف وار ایدی : « ... دیگر فاکولته لرک طلبه سی ناصل اعاشه ایدله یورسه بونلرک [النهیات فاکولته سی طلبه سنک] ده ایدله مه سی طبعیدر . آنجق فقیر اولدوقلرندن بحث ایدن آلمش قدر طلبه نیک اعاشه سنه موافقت ایتشدم . طلبه علومک اعاشه سیچون بو دجه مزده پارا یوقدر مدرسه لرک الفا دکل ، سد ایدلیدیکی معلومدر »

بوتلغراف افاداننده محتاج تحلیل و تدقیق بر قاج نقطه کوریورز :
النهیات فاکولته طلبه سنک دیگر فاکولته لر طلبه سنه قیاس ایدله مه سی طلبه علومک اعاشه سی ایچون ، معارف بودجه سنده پارا بولنامه سی .. آنجق آلمش قدر فقیر طلبه نیک اعاشه سنه موافقت اولنامه سی .. مدرسه لرک الفا دکل ، سد ایدلیدیکی ..

النهیات فاکولته سی طلبه سنک دیگر فاکولته لر طلبه سنه قیاس ایدله مه سی طوغری بر قیاس دکلددر . دیگر فاکولته لر طلبه سنک سائق تحصیل مطلقاً غایه ماده و دنیویه در ؛ هانکی صورته اولورسه اولسون ، کندیسنه برواسطه معیشت احضار ایتکدر . جهاز تحصیللری اونلری ایسته دکلری غایه لره ایصال ایتکه آلوریشلی در . دولت مأموریتلری ، تشبث شخصی ساحه لری اونلره نظراً تیه مهرالری درجه سنده وسعتلی در . کندی غایه ماده و دنیویه سی اوغورونده طریق تحصیله کیرنلرک ، اعاشه لرینی

بشقه طرفلردن بکله مک حقلری یوقدز . تحصیللرینک انتهای مکافاتی کندیلرینه عائد اولانلرک ، ابتدائی کفقلری ده ینه کندیلرینه عائد اولمق لازم کلیر .

طلبة علوم میاننده ، غایه مادیه و دنیویه سـوقـیلـه طریق تحصیل کیرنلرک آذر . غایه مادیه و دنیویه تعقیب ایدنلر دیگر مرغوب ورائج طریق تحصیللری بیراقوب ده منکوب و مغشوش بر طریق تحصیل کیرنلر . طلبة علومک جهاز تحصیللری ده مادی و دنیوی غایه لر استحصاله اویریشلی دکلدز . مأموریت و تشبث شخصی ساحه لری اونلره نظراً ایکنه ده لیکی درجه سنده و سعت سزدز . کندی غایه مادیه و دنیویه سی اوغورونده طریق تحصیل کیرمه ینلر ، اعاشه لرینی بشقه طرفلردن بکله مکده یک حقللردز . تحصیللرینک انتهای مکافاتی کندیلرینه عائد اولمالانلرک ابتدائی کفقلری ده کندیلرینه عائد اولماق لازم کلیر . یو قیلدن ارباب تحصیل معاونت ایدلر سه ، طریق تحصیل ده دوام و ثبات ایچون هیچ بر مجبوریت حسن ایتمزلر مادی و دنیوی غایه تعقیب ایدنلر بشقه لرندن معاونت کورسه لرده ، کورمه سه لرده طریق تحصیل ده دوام و ثباته مجبوردرلر . الهیات فا کولته سی طلبة سی دیگر فا کولته لر طلبة سینه قیاس ایتک ایشه بو نقطه نظر دن قطعاً طوغری دکلدز . مع هذا ، دیگر فا کولته لر طلبة سنک اعاشه ایدیله سینه عائد تمیامتز الهیات فا کولته سی طلبة سنک اعاشه سینه عائد تمیامتزدن آزو فرقلی دکلدز .

معارف بودجه سنده پارا بولنامه سی دیگر فا کولته لر طلبة سنک اعاشه ایدیله سینه بر سبب معقول اولمق اوزره کورستریله بیلیر ؛ فقط الهیات فا کولته سی طلبة سنک اعاشه ایدیله سینه بویله بر سبب کورستریله مز . طلبة علومک اعاشه سی معارف بودجه سینه عائد بر مسئله دکل ، اوقاف بودجه سینه عائد بر کیفیتدر . اوقاف بودجه سنده ، طلبة علومک اعاشه سینه کافی تخصیصات وار ایدی . ملغا شرعیه و کالتنک وظائف علمیه سی دوراً تسلمایدن معارف و کالتی طلبة علومک اعاشه سینه عائد تخصیصاتی ده ینه ملغا اوقاف و کالتدن عجباً تسلما ایتدی می ؟ یوقسه ایتمه دی می ؟ اولاً بو نقطه نك آکلا شیلمه سی لازم کلیر .

تسلما ایتدی ایسه ، عجباً بو پارهلر نه اولدی ؟ سائر امور معارفه صرف ایدیلورسه ، وقفک ماهیت خصوصیه سی بوکا مساعد دکلدز . بر محله وقف اولتان پارهلر آنجق ، او محله صرف ایدیله بیلیر . محل صرف ده منحصرراً طلبة علومدر . طلبة علومک طریق تحصیلده کی بالاده عرض و ایضاح اولنان . وضعت خصوصیه سی بر حسن دیندارانه ايله نظر اعتباره آلان اغنیای اسلام ، اونلره مدرسه نامیله برر یورد تأسیس ایتشلر ، اعاشه لرینی تأمین ایچون عمارتخانه لری وجوده کتیرمشلر ، سائر لوازم متفرقه اثمانی اولمق اوزره ده آریجه تبرعات و قفیه ده بولنمشلردر . یو واردات و قفیه نك منابع وسیعه سی له الحمد هنوز تماماً قورومامشدر .

طلبة علومک بو کونکی موجودیت عددیه سینه کافی کله جک درجه ده نقود موقوفه مز واردز ، ناصل که شیمدی به قادر تأمین معیشتلرینه کافی کلیمده ایدی . قدیمدنبری مدرسه لرده تحصیلده بولنانلر اکثریتله فقرا اولادیدر . فقط اسکی زمانلرک فقراسی بوزمانک فقراسنه نسبتله اغنیاعد ایدیله بیلیر . آنک ایچون اوزمانلرک طلبة سی ولیلری طرفلردن ده معاونت کورده بیلوردی . شهر ثلاثه مناسبتیه کیتدکاری قراوقصبات اهالی اسلامیه سندن کوردکاری معاونتارده آریجه بر تازیانه تشویق اولیوردی . بوکون نه ولیلری ، نه ده سائر اهالی اسلامیه طلبة علومه معاونت ایده جک بر حالده دکلدز . آنک ایچون بوزمانک طلبة علمی ماضینک طلبة علومندن ده ا زیاده محتاج معاونت و حمایتدر . بوکون طلبة علومه یاییلاجق معاونت اونلری اغنیای اسلامک بیراقدینی تبرعات و قفیه دن محروم ایتمه مکدر . تبرعات و قفیه یی طلبة علومک ائندن المق هم ارواح اجدادی بزدن کوسدیرر ، هم ده علوم دینییه تحصیلده میل و رغبت کلیا ازاله ایدر ، هم ده وقفک اساساتی اخلال ایدر . بو نقطه لری دوشوندیکنه و بیلدیکنه قانع بولندیغمز معارف و کالتنک طلبة علومک اعاشه سینه عائد مخصصات و قفیه یی اوقاف بودجه سندن تسلما ایده رک ، سائر امور معارفه صرفیاتده بولندیغنه احتمال ویره میورز .

اگر بو مخصصات و قفیه یی اوقاف بودجه سندن دوراً تسلما ایتمه مش ایسه ، یا درحال تسلما ایتک و یا خود اوقاف اداره سنی طلبة علومک بوجه سابق اعاشه یه مجبور قیلماق معارف و کالتنک اک مهم و اک مستعجل بر وظیفه سی اولمق لازم کلیر . زیر دستانی حایه ایتک انسانلرده فطری بر حال و کیفیتدر . انسان سومه دیکی و حتی عداوت و انتقام حسلری بسله دیکی بر کیسه یه ، زیر دستانی میاننه کیردکدن صوکره محبت و شفقتله معامله ایتمه ک باشلار . بعض رؤسا بو کیفیتی کندیسی ایچون بر شرف مسئله سی تلقی ایدر . دیگر بعضیسی جلب محبت و مربوطیت ایتک ایچون زیر دستانی حقنده حایه کار طاورانه یه مجبور اولور . بو واسطه ايله کندیسه بر زمین افتخار و غرور حاضر لاق ایسته یه نلرده کورولور . حق ، حقیقت ، وظیفه ناملرینه بو درلو حرکت ایتک لزومه قانع اولانلرده بولونور . حاصلی مقصد و غایه هر نه اولورسه اولسون ، زیر دستانی حایه به چالیشماق و اونلرک حقوقی مدافعه ده عزیمکار بولنماق بر میل همومیدر دینیه بیلیر هرشیدن اول ، حق ، حقیقت ، وظیفه حسلرینک تحت تأثیر لرنده بولندیغنه قانع اولدیغمز معارف و کالتنک طلبة علومک اعاشه سینه عائد مخصصات موقوفه یی اوقاف مدیریتدن قور تارمایه بتون عزیمکار لگیله چالیشه جفندن شبه ایتیمورز .

ذات مصلحت ده ، معارف و کالتنه طلبة علوم حقنده حایه کار طاورانه یی وظیفه سی تحمیل ایتیمده در . واقعا ، الهیات فا کولته سی ، شمیدیکی

مملکت‌ترین کیدر لسه ، اولاد وطنك مهم بر قسمی تحصیل علومدن دور و مهجور قالمش اوله جقدر. منافع ملت و معارف مملکت نامرینه بویه بر نتیجه و عاقبت هیچ ده شایان نمی و ممنونیت دکدر .

ااشه لرینه لطفاً موافقت ایدیلن آلتش طلبه ملتك معارف دینه احتیاجاتی هیچ ده تطمین اید من. هر سنه ، عدد صحیح اوله رق آلتش طلبه یتشدیرمك ده امكانسردر. بر طاووق قولوجه اولوب بر چوق جیوجیلر چیقاریر. فقط کیمی کدی بیر، کیمی صانسا بوزار، کیمی قوش قاپار، کیمسی ده کندی کندی مرد اولور. بال نتیجه ، طاووق اطرافنده آنجق بر قاج پیلج قالدینی کورولور . مع هذا ، شیمیدیکی وضعیت علمیه سنده قالان الهیات فاکولته سنك ، هر ناصلسه طوتولوب قالان طلبه حاضره سندن صوکره آلتش طلبه ابتدائیه بوله بیله جکنده احتمال ویرله من . اوپله ظن ایدیورم که ااشه صوبی کافی السابق اساله اولنسه ده ، چرخلرینك بوزوقنی یوزندن ، بو دکرینك دوراننده یه دوام کوریله میه جکدر .

« مدرسه لرك الغا دكل ، سد ایدلیدیکی » افاده بیوریلورسه ده بو افاده دن واضح بر معنا و مقصد چیقارمقده مشکلات چکیوروز. فی الحقیقه وکیل بلك ، معروف « جرم مشهود » مسئله سنده ده بوکابکزه ر و جیزه واری بر افاده سی ده اواردی . قونیه ده کی حفظ حادثه سی طولای سیله بیانات تکذیبکارانده بولنورکن ، « بز » حفظ قرآنه جالیشانلری دكل ، جالیشانلیران خواجه لری منع ایتدك ، بیورمش ایدی . بز ؛ نفی و اثباتی بو ایکی نوع افاده لر آراسنده ، نتیجه اعتباریه بر فرق کوره میور ایسه کده ، وکیل بلك بو نفی و اثباتلر ایله آیری آیری مقصد و معنالر افاده ایتك ایسته دیکنده شبهه من یوقدر . حفظ قرآن حادثه سی آرتیق اسکیمش اولدینی ایچون ، او حادثه یه طاند نفی و اثباتلردن شمیدی معنا چیقارمایه لزوم قالمامشدر. فقط مدرسه لر طاند نفی و اثباتلر ترو تازه اولدینی ایچون [الغا] نك نفیله [سد] ک اثباتندن نه کی بر معنا و مقصد باشقه لقلری حقیقه بیله جکفی آرشدیرمق مراقبه دوشیوروز . الغا : بر کیمسه نك حیاتی کلیاً اطفلا ایتك ، سده : تشریح ماصه سنده موقناً حسنك ابطال اولنسه بکزه نیله بیلیر . اطفاده اعاده حیات امید یوقدر ؛ فقط حسنك ابطالی اعاده حیات ایله نتیجه لیر . عجبا وکیل بلك ، مجلس ملتك قراری و بناء علیه کندی صلاحیتی خارجنده اوله رق قیادینی قالی مدرسه لری یکیدن آچاجغنی می احساس ایتك ایسته یور ؟ . اکر اوپله ایسه ، بو حال و حرکتی وکیل بلك نامه بر شرف قید ایتك خصوصنده دوچار تردداولمازه . هیچ خطا ایتمه مك انسانلر ایچون برنجی دره جه ده بر شرف ایسه ؛ خطای ا کلا یاراق تصحیحنه جالیشمق ده ایکنجی درجه ده بر شرفدر ، هیجانی و غیالی زمانلرده آ کلاشیله مایان حقیقتلر سکونت

وضعیت علمیه سنه نظراً ، نه اوکوده جکی هنوز معلوم اولمایان معنوی بر ماده غدائیه دکرینیدر ؛ فقط ، اوکوده جکی هر نه اولورسه اولسون ، یه بر دکریندر . بو دکرینك صوبی ده طلبه علومك ااشه سیدر . بوصول کسیدلکی کون دکرین دونمز اولور. دکرین حرکت و دوراندن قالینجه ، هم دکرمنجیلر واردات غیر صافیه سندن محروم اولور ، هم ده اهالی اسلامیه معنوی مواد غدائیه سندن دور و مهجور قالیر. بو نتیجه نك مسئولیت معنویه سی ده ، بالطبع ، دکرینی دوندورده ، صوبك کسيلمه سنه قارشی لاقید و سیرجی قالان امین شهر معارفه طاند اولمق لازم کلیر . طلبه علوم ااشه ایدلرسه ، تحصیله دوامی امكانسردر . هر شیئه قارشی ثبات و مقاومت کوستریله بیلیر ؛ فقط ، آجلنك صوت و تضییق قارشیسندن مغلوب و منهزم اولمایه جق هیچ بر قوت یوقدر .

الهیات فاکولته سی دکرمنی دائماً دوندورمک ایستین هر هانکی بر معارف و کالتی طلبه علومك ااشه سی تأمین ایتك مجبوریتنده در . طلبه علومك ااشه سی تأمین ایتك یکی برفدا کارلنه متوقف دکدر . مشروط لوی بولندقلری خصصات و قفیه یی اوقاف مدیریتدن قور تارمق اصغری بر حایه کارلقدرد. معارف و کالتك بواصغری حایه کارلنی طلبه علومدن اسیر که مه سنه هیچ بر سبب معقول یوقدر . « آنجق فقیر اولدقلرندن بحث ایدن آلتش قدر طلبه نك ااشه سنه موافقت ایتشدم . » فقره تلغرافیه سنده کی « موافقت ایتشدم » سوزی معارف و کالتك حقیقه ترجمان حسیاتی اولمق اوزره تلقی ایدلک لازم کلیرسه ، طلبه علومك حایه سی نامه متأثر و متأسف اولماق غیر قابلدر. طلبه علومك تأمین ااشه سی ایچون بالذات کندیسنك تشبثانده بولماسی لازم کلیرکن ، بشقه لری طرفدن وقوع بولان تکلیفه ، لطفاً « موافقت » ایدلیدیکی افاده بیوریلور . دیمك که طلبه علومك هر حالده تأمین ااشه لرینه جالیشیله جفته طاند امید و انتظارلر مزده انکسار خیاله اوغرایه جغز . فقیر اولدقلرندن بحث ایدن طلبه علوم ایله دیگر قسم طلبه علوم آره سنده - ااشه یه احتیاج نقطه نظرندن - هیچ بر فرق یوقدر . آره لرنده ، یالکزه ، مملکتلرنده و لیلری بولنوب بولنماق جهتندن فرق وارددر . فی الحقیقه ، مملکتلرنده و لیلری بولنان بر قسم طلبه علوم وارددر ، فقط ، و لیلری ده کندیلری کی ااشه یه محتاج بر حالده در. بناء علیه بو قسم طلبه علومك ، و لیلری طرفلرندن ااشه ایدلرینه امکان مادی یوقدر. بونلرک نائل بولندینی یکانه یسرت کیدوب و لیلرینك تعیش خصوصینده کی مضایقه لرینی تشدید ایتك و اونلر ایله هم حال اولمقدرد. بر قسم طلبه علوم ، نه امام و خطیب مکتبلرینه ، نه ده الهیات فاکولته سنه قبول ایدلیرک ، - اصحاب اعراف کی - آره یرده مذهب اوله رق بیراقیلدی. دیگر بر قسمی ده ااشه سنلک یوزندن ترك تحصیل ایدلرک

قلبی یالکنز وطن عشقیلہ چارپان بوقدرکنج اولادوطنی سفالت می
آناجقملر ؟ بزدن برصنف یوقاریده اولان محن برنجی صنف طلبہ سی
الہیات فاکولتہ سہنہ کیردکاری حالده برسنہ مادونندہ بولسان بزلرک
تحصیلیمزی قطعاً نظر اعتبارہ آلمایارق امللریمز محو ، امکلریمز ہدر
ایدیلیور . بیکس اولدیغیمز ایچون سفالتہ محکوم اولیورز ...

صنفمزلک لیسہ نیک قاچنجی صنفہ معادل اولدیغنی معارف وکالتی
تصدیق ایتہدیکی ایچون ہیچ برمکتب تحصیلیمزی طانیایور و مکتبہ
قبول ایتہیور . سواققدہ سورونوب قالاغیز . یازیق دکلمی ؟ بو
معاملہ یہ معروض قالمق ایچون قباحتمز نہدر ؟ محتاج و بیکس
اولمقلغمزمی ؟

وطن وملتہ نافع برخادم یتشمک غایہ واملی ایلہ حیاتیمری تحصیلہ
وقف ایتمش اولان بزوطنک معصوم کنجلیری بوکون مکتب قاپوسندن
قوغولیورز . غالب ومظفر تورک ملق محتاج و بیکس برآووج طلبہ یی
اٹاشدن عاجزمیدر ؟ بو برآووج طلبہ نیک سفالتہ راضی می در ؟

استقبالمزلک محو ، بونجہ امکلریمزک ہدر ایدیلہ مہسنی و بزی
سفالتہ آتمامالرینی استرحام ایلرز . وبوخصوصہ طلبیمزی احتوا ایدن
آتیدہ کی موادی وکالت جلیلہ نیک نظر دقتہ عرض ایلہ قبولی رجا ایلرز .

۱ — برسنہ مافوقزده اولان محن برنجی صنف طلبہ سنک
دارالفنونک الہیات فاکولتہ سہنہ قبول ایدیلہ سیلہ داخل قسمنک صوک صنفی
لیسہ نیک صوک صنفہ معادل طوتولمشدر . بناء علیہ صریح ومکتسب
حقیمز اولان صنفمزلک لیسہ نیک اون برنجی صنفہ معادل اولدیغنی تصدیق
۲ — اعاشہ مزک تأمین

ملفی دارالخلافہ مدرسہ سنک داخل
ایکنجی - اوچنجی صنف طلبہ سی

آرتی بوقدری فضلہ

ازمیردہ منتشر آہنک رفیقزده اوڤودیغیمزہ کورہ ازمیر معارف مدیریتی
بعض خانہ لردہ اجرت مقابلندہ درس اوڤوتدیرلقدہ اولدیغنی خبر آلہرق
پولیس مدیرتہ بر تذکرہ ایلہ بونلر حقندہ تعقیبات قانونیہ توسل اولونماسی
بیلدیرمش .

بز، ازمیر معارف مدیرتک بوتدیرینی اصلا مصیب کورمدک . زیرا اساسات
اجتماعیہ وقانونیہ مخالفدر . ایشته بونک ایچوندرکہ اوتہ دنبری قانونلرک تطبیقندہ
یابیلان خطال یوزندن مملکتیمزک رخنہ دار اولدیغنی ادما ایتکمدیز .

معارف مدیریتی اذن آلمادن خصوصی درسخانہ لر، مکتبلر کشادایدیلہ جک
اولورسہ قانوناً اونی منیہ صلاحیتداردر . زیرا اسباب موجبہ قانونیہ سنندہ بوندہ کی
حق مصرحددر . فقط بن اولادیمی اؤمدہ خصوصی برعملہ اوڤوتیق ایسترسہم ،
نہنی ونہ اوڤودان معلنی تعقیب ایدہ جک قانون یوقدر . سوء مثال اولامسی ،
قانونک سوء تفسیرہ اوغرامامسی ایچون مرجع عائدینک نظر دقتنی جلب ایدہ رز .
اقدام

سکینت و اعتدال زمانلرنده آکلاشیلما یہ باشلار . وکیل بکک افکار
وحسیانندہ ، مدرسہ لرک کشادی لہنہ اولاراق اکر بر تحول وقوعہ
گلش ایسہ ، بو تحول وکیل مشارالہک ، ہیجان وغلبان دورہ سنی
کچیرہ رک ، سکونت ، سکینت و اعتدال دورہ سہنہ عودت ایتدیکنی
کوسترر . اکر هنوز غیر طبیعیک دورہ سنی کچیرہ مش ایسہ ایرکیچ ،
بو دورہ یی کچیرہ جکی و بناء علیہ ، سکونت ، سکینت ، اعتدال
و طبیعیک حسلرینک تأثیرات و تلقیناتہ رام و منقاد اولہرق تالی
درجہ دہ کی مدارس اسلامہ نیک اوزرندن مسدودیت مہرینک فک
ایدلسنہ مساعدہ بیورہ جنی حقندہ کی امیدمزی کسمک ایستہ میورز .

ی . ع

ہامہ :

مقالہ یی یازدقدنصکرہ ، ۲۹ حزیران تاریخی «اقدام غزتہ سنندہ» موضوع
بحث تلغراف محتویاتی دما مفصل بر صورتدہ اوڤودم . افادات ویاناتک بو
مفصل صورتندہ [آلتمش طلبہ نیک بر مدت اعاشہ سہنہ موافقت ایتدم .]
دینلیور . دیمک کہ آلتمش طلبہ نیک اعاشہ سہنہ کلوب کچیجی برشمیش . شو
حالده ، اعاشہ مدتک انقضای کونندہ دکبرمنک درحال حرکت و دوراندن
قالہ جفتہ قطعی بر نظر ایلہ باقیدلق لازم کلیر .

معارف رکینی راضف بک افندیکنک نظر دقتہ

معارف وکالتندن کلن بر امرلہ مدرسہ لرک داخل قسمنک صوک
ایکی صنفی لغو ایدیلشدی . بونککہ برابر ایلولہ قدر ملفی ایکی صنف
طلبہ سنک اعاشہ ایدیلسی تقرر ایتدیکی بیلدیریش و شیمیدیہ قدر
اعاشہ ایدیلشدی . حالبوکہ یکی کلن و دوندنبری تطبیق ایدیلن بر
امرلہ آنجق امام و خطیب مکتبی طلبہ سنک و الہیات فاکولتہ سنندن
آلتمش افندیکنک ایلولہ قدر اطعام ایدیلہ بیلہ جکی ، ملفی ایکی صنفک
احتوا ایتدیکی الی طلبہ نیک اعاشہ ایدیلہ میہ جکی صورت قطعیدہ
بیلدیرلشددر . بوندن ماعدا مذکور ایکی صنف طلبہ سنک مدرسہ
و طلبہ لیکلہ قطعاً علاقہ لری اولمادیغنی دہ آروچہ بیلدیرلشددر . بناء علیہ
لغو ایدیلن ایکی صنفک تشکیل ایتدیکی الی اقدی برہفتہ دن بری
یمکدن محرومدر .

بر امریلہ معارف وکالتی وطنک برچوق معصوم کنجلیری سفالتک
نچہ سہنہ تودیع ایتکمدہدر . زیرا مذکور طلبہ میانندہ استانبوللی
وقتی حالی مساعد طلبہ اولدیغنی کی اکثریتی طشرہ لی اوزاق مملکتلردن
گلش ، برکون بیلہ کندنی اداره ایتکدن قطعاً عاجز طلبہ وارددر .
بو طلبہ یی قابو دیشاری آتقی و آچ براتقی سفالتہ آتقی دکلیدر ؟

حربک الک بحرانی کونلرنده ، ضایقہ کورمہ دیکمز حالده بوکون
غالب بر ملتک قوجاغندن قوغولیورز . بونہ حکمت ؟